周

易

集

義

與物多迕丈一 輒乞貸於丈値丈空乏時則質劑以應之有無相通 文予所師事

斯原文齒少弱於

予尤親丈僑居金壇 **反之義則然然豈可索之今之與曲鄙夫哉予少孤貧** 兩世戊辰予亦擊家歸僦屋荒榛中半菽不飽三閒無 論護呵當世士骯髒不平之氣亦遇丈而平蓋丈力 **盼强寮廷彦吉駄原三丈累世之** 而問者獨丈厚予甚予各授於外家人饘粥或不濟 者採也丈於學無不 >/周易集義序 繩以古誼使不流爲狂易之歸或羣居

幾幾入於淫瞽方技者流而猶自矜絕業世亦從而矜 師說祖漢祧宋於世應飛伏五行納甲之變甄極淵微 暴過之書也以孔子之聖猶云假季學易可無大過 **鈔夕纂爲集義** 乙其於進退存亡吉凶悔吝之故芒乎忽乎曾不 **公從斬與十** ·翼所傳言理多而言象數少乾嘉以來言易者篤守 此豈孔子寡過之 有犂然當於理而足補程朱之不及者亦擇 翼訴合於萬 也丈所言如是亦可知築述之大 編) 旨邪蒙纂是編 凡十餘季而卒業 蓋程傳朱義且有異同正 一以程朱爲的諸

於理) 篋 行 兩家之說亦最夥殆與予有沆瀣之合者耶是編 長至金壇 授 數十年昨客海上 敷無偏倚 ·得藉手以 一劂氏丈之 馮煦 本朝言易者 周易集義序 簡端庶後之讀是編者知所從事焉已 而推極 ·報丈尤有欣慨交心者爰舉丈所 一致綜古義京卿之表章先哲皆 一出以际翰恰京卿京卿雅 事深得先聖不言之蘊上 |氏石林喬氏以 求恕

周易集義八卷溧陽强駪原先生箸亦馮蒿口 義至矣然春秋以前皆為卜史之用間有言義理者如 家但<u>言</u>象數夫易生於數而形於象不言象數固不足 子服惠伯之屬然不能詳也孔子懼後世儕易於下筮 歸然則後之學易者舍十翼孰從而求之乃漢傳易諸 **諸書不研求其義理易之義幾乎熄於是作十翼示指** 示予而予授之劂氏者也易自伏羲畫卦文周繫辭 見易然不明乎理必至舍人而言天尋流而逐末穿 // 周易集義序 支離不於孔子所謂窮理盡性以至命精

學者希如星鳳今先生是書祖述程朱粹然 **若秦越人之不相謀矣本朝言易者若惠氏張氏皆宗** 言義理然入於老莊於易之義猶未盡當也至伊川 漢學於兩京諸家之說鉤元提要豁然貫通而從事宋 傳作而易理始明紫陽本義語約旨精足與程傳相 而又甄米羣籍凡有當於十翼之誼者博觀而約取精 是以後學易者或知所宗其於孔子十翼之義不至 入神以致用者相去遠乎魏王輔嗣氏始黜象數 而詳說亦不暖暖姝姝局於一家之說殆程朱之功 而惠張之諍友也刻旣竟爰述其大旨以詒後之讀 出於正

//周易集義序			雪後二日吳興劉承幹 是編者且質之蒿厂丈當亦許為知言邪已未孟冬大
一、「「「「「「「「「「「「」」」			已未孟冬大

妙陰陽 也 變易者著其不易然後有以盡 不測之 以周流而 觀其會通而聖人之意終不一 ▼周易集義序 而不可離也泥象者鑿任欺者小即執 理與象數之藏也執 神是故易者變易也合理與象數言之 象以盡意設卦以 耶理不易也而象數 不可測 也 而聖人序 /盡情偽聚解 焉以盡 以來而不知合變 (理隨 求錯恕綜 理於象

數也後世穿鑿 所謂 耶 然舍象數則无以見 卦 一所謂象者天地雷風 仮庖 数者大桁之數五十其 耶故自 觀之則亦貞夫 實徵諸言行之別使人 周公繁解以明得失 氏 11111 J 與神物以前民 一附會之象數違 及易者觀之若不可為世 之閒示變通盡利之道世 理矣 m 況可舍理而逐乎象數之 水火山澤陰陽進退之象 已理固包 用四十有九引伸觸 則 乎理之自然奚當 用 理著矣孔 知 乎象數而 非聖 典要 因象 筮

震 與故无有師保如臨父母乎學者苟宗斯意以求之將 於悔吝之 無 其漏 |神道 大過 觀 民 矣豈 設教其憂世也深孔 介而惕屬之不暇奚暇他求哉古聖彰往 |切先聖 不以易理之著 不利論語曰假我數 其解動則 一解有 通 廣 子微 於象變者明於憂 **军五** 變 顯 豈 闡 而玩 幽以寡 歧 耶 學 週

交示 子之傳以 信其道之 而 宗 无所 輯舊聞參以 而 孔子之傳 譾陋非敢謂果有當 粉歧然非团心衡慮於殊且變之中亦失知其意而平心體之則萬殊萬變自 然後恍然於 知幾 别 而存之 哉則玩辭以尋意 眾 補過之道執之 以定其 聊 以誌 意 不敢泥夫故不敢擊其新 聖 指歸 也 固 不敢不勉 意 三易稿 則帶而難通求 沈 无非於粉紜 潛 而粗成名 所從事矣 殊 重

/ 周易集戦序				四月既堅溧陽强汝諤序
三次是				

周易集義序					

推象數即因象數以觀理是為得之舍理而驚於 實者理也然理无形假象為形形无定因數而定數以言理非易之道也蓋至變者數至虛者象而至常 以宰之然旣謂之易則理因象數之變易而著離象 度以理為度三者合一相為表裏而易之道行乎其 之末是宋人之助長也舍象數而執理以言是子莫 //周易集義例言 陽陰陽進退數以生焉而理實處 水恕斎

| 滋至魏王氏輔嗣始盡洗漢人之陋雖未免雜以老 占之說又 而機已嚮明矣唐以後言易者大抵從之至宋而程 无章句其學可謂正矣然馬鄭輩皆傳其學而異說 作易傳乃粹然 至教矣惟費氏學號古文易專以孔子之傳為 孔子學易寡過之旨本其躬行心得者昭 溺於象數雜以讖緯而不衷: 傳閒有存者 然專言理言學則於理與象 於正言理而不言象數言學 抵 於理非復 國以

於尙占又頗取邵子之 所言象數雖,託於繫解說卦諸傳而實與孔子之意 能 理以 **夫庖犧作易雖第以象數示人而是非得失之理自** 不足而偏重象占不若據理言學者得聖人垂教之 一周公繁之孔子從而贄之皆因卦爻中所函之 |學不可謂 明是非得 ┩ 問易集美例言 是益彰朱子之言理亦同於程子而稍 失所以 然自成一 | 說而詳於象數雖意在補程 **窮理盡性修人事以合於天** 家而无當 與講 於周 明而

然有通志成務之理而无不疾而速不 表矣謂非智者之過數其所謂契焉者數而已然即以 数言果契於庖犧氏乎哉 道 山王氏謂程子之傳純乎理事周易大用之所以 王周公之意即庖犧氏之意非可歧而一之 《程傳專據理言學絕不言象占又不解繫傳乎然 與數學迥判兩途故孔子之意即文王 學乃欲軼文王而遠契庖犧則固越乎周易之 意者也程子與邵子同時邵子方託繁鮮 行而至之 風而靡浸失 周公之 也都

之不可及爾 則看緊傳不得其意可知是其有所不足也正其謹嚴 深究理之所以然至文王周公乃徵諸天人之合一 古者聖人之作易也用以筮占觀象以辨吉凶而巳 亦不為之解經說有云繁傳本欲明易若不先求卦莪 **所以辨吉凶者亦必有其書如連山歸藏之類大抵未** 其變動之時中繁辭焉而命之使筮者明乎理之得失 一其悔悟之心則占與學已合而 未知敬其學也孔子憂之故贊之以傳明吉凶之 //周易集義例言 **矯其偏悉屏象占之說而專言學並繫** 一矣然人 八知用以

學也又實徵諸擬言議動之閒明示以崇德廣業之道 **亚其綱周公詳其目孔子舉而張之使人之疑爲髙遠** 1.恍然於切近矣苦其精微者灼然於昭著矣所以 屬民者至矣蔑以加矣後之學者苟有爲已之心 相資與學之所當致力无不反復丁甯矣是故文王 人曉然於學易所以 將奚宗乎猶欲機生枝節與鑿空推求皆異端也 因乎得失事物之 一於索隱精妙可以前知亦非儒者所當務 (修身修身始於補過則占與學 本乎性命則揲 策占象中无

專計數之吉凶則逐末而流於術數非僑者所當學矣 然驗廉縮於策之奇耦考吉凶於爻之變動其任數也 有度後人必欲盡其毫忽以求前知不計理之得失而 **儒必欲究其所從泥乎迹而穿鑿附會不顧理之所安** 則與聖人之意左矣易用蓍筮占以知來非不任數也 數也易之象數所以男理挾象數以害理者皆易之蔀 故以互體變卦五行納甲飛伏爻神言象者非易之象 而喻焉然其取之所從可以意會而不可以迹泥也漢) 以雜占災異卦氣直日與加一 取象非荷為寓言也意與言之難盡者藉以罕 //周易集義例言 倍法言敷者非易ク 四求恕壽

卦之命名多因爻畫如願噬嗑與損益之類其尤著 也即爻之取義亦各因其陰陽時位如剝之貫魚碩果 也 乎形影與泥形影而遺其神豈能得其眞乎 **姤之 贏豕包魚 最易見者也循是以求其理灼然有** 理以害理也夫易之理至實也六十四卦三百八十 談易之失約有三端泥於象也逐於數也託於虛无之 而理寓於象數三 意逆志无不可得者至其言數如三日七日八月三 類亦皆以理推之无恍惚難知者故象數生乎 * /!\ re... /!! |者相依如人之形影神也夢神而離

矜奇鑿異虛做精神果安用哉 也合三才之道而觀其會通切求諸言動之間以崇德 擬議以成其變化學易之事也大中至正之教至常也 事物體諸身心无物不有卦之象也无時不有交之義 《業固不可逐末而忘本叉豈可厭實而遁於虛哉聖 **「不盡言言不盡意聖人立象以盡意設卦以盡情偽 憂患後世情見乎辭矣是故懼以終始學易之心也** 囊括天下之事物无一 也而至變至神之道在其中矣若以爲不足爲而 盡其言而意與言逐无不盡者何耶易以卦 // 周易集義例言 語入於虚者學者當實徵諸

意與言无不盡也學者苟設身處其位度其時以究其 其時則辭之各指所之者未始不在尋常意計中也求 故君子所居而安者易之序也所樂而玩者爻之辭也 得失而觀其變通則不啻一 增益其所不能聖人之意與言有不心通而神會者平 、剛柔時位冒天下之道實有是象實有是惰偽則意 |人之意非有異乎人也知之至明辨之至晰處之至 虛懸解皆切指而又變通以盡利鼓舞以盡神所以 八自不能及耳尚平心以體之因卦之物審其位度 義入神以致用其在斯乎 身偏歷境之險易常變而

焉然後恍然於聖人之以神道設教者其意至深遠 古之時凡有所疑必稽之卜筮自天子以至於庶 以其是非自非大无道者有不震動惕厲而含己敬從 明得失以訟從違者其義深切著明不啻耳提面 乎其易入而不敢違視臣寮之諫諍師友之規誨奚 不外乎 慢疑不決之時臨之以天地鬼神竦動其志氣辨 此教之所以 一周易集義例言 為古人愼重而不敢自信耳及深玩周易 深求則轉或失之矣 (謀理) 大而尚占之不可廢也惟古之 而已 |程傳雖言學不言占而 求恕產

卦名取象多就 其時位就事指點非此爻之義盡乎此也舉其大端 意而易之 [遠自可旁通无盡若不善讀者泥 聖 為證 三百八一 人之 |人極深研幾所舉中乎物則雖略示端倪| 理 自在也 慮其 用若 用隘矣伊川先生云聖人有聖 一帶也然象之 四事也此論極精 則事 卦畫陰陽進退 爻只作 難明者亦不妨 用則三百八 為義卦爻 故說易者 滯 以求 人之用賢 不可多的 取 四爻 則以辭害 削背 而言近 取 因

字八 多就其往來上 **剝復夬姤損益旣未濟之命名尤其彰著者** 當蓋易之序皆 事以達意矣豈此兩爻 而成以象人事往復之報聖人有因此 2 說至為紛歧瞿塘來氏專就卦之 一卦不可綜者錯之其餘 日箕子之明夷旣濟 略見 周易集義例言 於 一下明示其意所謂變通盡利鼓舞 ,此先儒雖亦有見及者而未有定 兩 兩 相對惟乾 止 此 干六 兩用 坤坎離頤大 1高宗伐鬼方 、針則二 耶 綜 取象如 而言 也象 週 僡

從來氏 傳始盡發之三聖之精蘊非此不彰程子不爲之解蓋 理言學条傳則参言合變矣至變易之神妙則於繁辭 易者變易也非通其變不足以盡易孔子大象傳專言 人不實求卦義託於此而遁虛騖遠也顧緊傳指 易之方至切近也即其言之微奧者无不道乎中 符合可謂析干古之疑矣今於彖傳之言變通者皆 盡神者不可得而見即於聖人之意亦有所不能盡 所得託此孔子昭示後世占易學易之大 此則所謂變而通之以盡利鼓之舞力

通 因噎 切實發揮即從與 獨非儒家語乎焦日和尙莫讀破句感而遂通 端假借之緣而得聖人指點眞意昔宋時有僧 而廢食 虚耳若夫託象數以騖遠者亦智者之 輝焦 異端之託 不然其說僧舉繫傳云寂然不動威 也 之旨悉引而歸於彰著平易庶幾 **讀繁傳者苟能本易之實義以求** 也愈不可不爲之 解今務 談封 過 而

解繼論其象之變以釋之叉舉之卦參斷之台二卦以通其變以觀之如知莊子言師之臨先引師卦初六爻左氏傳言易必日在周易某卦之某可見古人玩易必 ांग्रि 繫傳比也 語過神奇者必出於後人之傅會未可盡信 後人有所附益敷序卦二篇雖非後出亦殊可疑皆內女子得之今說卦傳有可疑者豈不盡出於孔子 若取左氏所戴匯而觀之 所受多詳於觀變玩占如此類兼觀玩象解最為 一爻之得失可悟参玩之法大抵春秋時易學亦 亦略見古人用易之法

而參其義矣且 為相比豈不 上所以名為 **所以名為** 則固欲 不取其象之 然因象 易者 知其變而與 也易之 何為哉非為我則固欲 為哉非象之 觀其通 用 理屢 人親易 用

具身 之變以求理安見其趣時而貞勝者乎即聖人 亦何由交盡而曲暢乎神而明之存乎其人可以 變錯綜其數聲解焉而命之動在其中矣非合象 誠不多觀雖餅失之 而未易言傳矣 多其發例中論學一條云易以垂教萬世占其識而繁解傳解悉本卦義以立言尤有深契故不多觀雖解失之煩然其格遵聖軌嚴闢異端 王氏著周易內傳夏夏 易有聖人之道四焉惟制器尚象在上 煩然其格遵 (生造盡去陳)言其苦心 乎是故聖 之意 意象多伍

以有恆也蓋非學之有素則當變動已成吉凶巳著 後雖欲補 言寡過之必於學也叉日不占而已矣言占之 行不可偏 觀其變而玩其占筮也子曰卒以學易可以无大過行不可偏廢也故曰居則觀其象而玩其解學也動 動尚 問焉而如響則待有疑焉學則始終典焉而 變學者之事也故占易學易聖人之 也故曰 一周 用 過而 廢也 未利 不可偏廢尤不可偏 一故曰居則觀其象而玩其解學 為所 不知所從天惡從而祐之以吉无 (為書也) 後世非所 荷也居則玩解者其 汉占而! 用易)則必

易集義

例

半見等 日七分游魂歸魂飛伏爻神交互消息升降納甲 述其說謂幸有此書博乐諸儒之 漢儒之說 鄭玄荀爽劉表朱衷虞翻陸績略存一 儒易說多不傳个之漢學家亦僅 无疑焉而固 引職緯 切當愜 例 心 藉 亦謂出於孔子 商 可遠 可推尋而轉詆程朱之說理爲空疏 也 也雖占學並詳而尤以學為重 (說出於孔) |説如孟喜京| 唐李氏集解 一於是卦句

矜異世之 明漢 一中之理 傳使 **漢儒且珠而不察叉何怪今漢學家之而故欲珠之是非之心安在耶然孔子** 滕口說者皆 菛 已自能切問 集義例 2非故為 分形 無足怪也今漢學家於宋 交必先取名 爲名耳宜 而近思學 重也 **取各家之說講求** 以為名必至喜 於 珠珠

朝 所 玩甚省 以不及前 而 括奥博 說約乃 庵先 思烏能 能探辨得失 他 不知 也斯言誠中學者之病況不加思索只據成說粗心 之意 娇 知 解易特地 未 小易知必先 而識其指歸若 師 而 **水成說** 創 博考令姑就 解 中 无 斯 粗心 婟 依 據然 至!此

|意與參入舊說者則亦不贅意在省繁就簡||而已 者十之七八其自下新義者必於舊說有所疑反覆 失中正之理然引伸觸長之機亦所時有大抵因舊說 因邱陵居今日說經<u>而必夏戛生造不免好異喜新</u> 於孔子之傳而若有所悟姑欬其一得之愚雖不 其别出已意於舊說之下則以愚案别之其獨出 无改者則以某子某氏別之其參匯各家之說則渾 信其果合然非敢妄炫新奇也其專采一家之說有 其精當者綜貫為解故名曰集義夫為高必 周易集義例言 士一求恕齊

周易集義例言			

經 裁氏始置卦未有易名夏曰連山商曰歸戚猶筮 易變易之義故謂之易其辭則文王周公所繫故 之青也文王乃本伏羲之畫體三才之道推性命之 之**周**以其簡帙重大故分爲上下兩篇 同代名也易書名也其卦本伏羲所畫有交 可得失吉凶之故而易作 深陽强 王氏日伏

位之中則天道之變化人事之通塞盡焉而入之所 錯而 幽明易其位或綜而往復易其幾互相易於六 也易者互相推移以摩盪之謂周易之書乾坤並建 列焉易之用也純乾純坤未有易也而相峙以並立 以為首易之體也六十二卦錯綜乎三十四象而交 以酬酢萬事進退質文刑賞之道即於是而在故同 易之道雖本於伏羲而實文王之德與聖學所自著 則易之道在而立乎至足者爲易之資屯蒙以下或 妙即在庸言庸行一剛一柔之中大哉易之爲道云 一道也失則相易而得得則相易而失神化不測之

之始皆陰陽之撰夫人之情皆健順之幾天下无不 然噴然為二物而不可易者也而陰變陽合交相威 易者各有趣時之道而順之則吉逆之則凶聖人所 可合之數无不可用之物无不可居之位特於其相 七八九六无心之動終合揆於兩儀之象數爲萬物 地不能達之以成化而況於人乎陰陽者定體也確 以成天下之亹亹者存乎相易之大用以著求之而 |憂悔吝者存乎介介者錯綜相易之幾也此易之 (顯陰陽之仁而詔民以憂患者存乎易而已矣故 /周易集義卷 一求恕意

乾元亨利貞 有奇耦之數故畫 也亨者理之通也利者化之順也貞者道之 元亨利貞文王所繁之 而成卦以象三才三奇之卦名之日乾以象天道 乾健也健而无息陽之 行因而重之而上下皆乾則陽之純而健之至 (而難名故獨舉四德以著其功用惟乾有此 **已知大始而發育萬物悠久无疆也程** 一奇以象陽畫 解所謂彖辭也元者善之 性也伏 火災也

也分言之則以形體謂之天以主宰謂之帝以功用 之義廣矣大矣 物之成惟乾坤有此四德在他卦則隨事而變焉故 者萬物之始亨耆萬物之長利者萬物之遂貞者萬 之始故爲天爲陽爲父爲君元亨利貞謂之四德元 謂之鬼神以妙用謂之神以性情謂之乾乾者萬物 健而无息之謂乾夫天專言之則道也天且弗違是子曰乾天也天者天之形體乾者天之性情乾健也 元專言善大利主於正固亨貞之理各稱其事四德 潛龍勿用 、問易集養卷一 二求恕麼

以象乾道變化陽氣消息聖人進退初九在一 故假象以顯義乾以龍為象龍之為物靈變不測 勿用周公所繫之辭所謂爻辭也程子曰理无 老變而少不變故謂陽爻為九取其能變易也婚 物象意與言皆无以盡也蓋象虛而事實質則方 可自用當晦養以俟時愚按聖人立八卦之象以盡 下為始物之端陽氣方萌聖人側微若龍之糟隱 **多滯虛則圓而多通此易教所以廣大也然則學自** 一而上 故以下爻為初陽數 一卦之

孔子可自安於陋巷斯亦一義也 雖處初爻多取動而有爲之象乾之初龍德已具乃 類推因事而利用之无不可通也又如陽爻在他卦 皆以聖人之事明之然易冒天下之道惟學者以意 取象平龍則其意多為聖人而發者故夫子於文言 |見龍在田利見大人 而有爲者初不得位非行道之時如顏子因時有 而勿用斯固就時位言之抑亦乾卦六陽自有居 固不可忽乎象又豈可呢乎象哉如乾卦純陽

九三君子終日乾乾夕惕若厲无咎 危也凡言无咎者並宜若有咎而无之也君子希聖 體不分剛柔而以同德相應愚按九二剛健中正與 當是舜之升聞歷試時也 九五同德相應利見之占獨二與五同以聖人言之 之君以行其道君亦利見大德之臣以成其功天下 氏曰乾乾健之篤也惕若憂其行之過而有戒也厲 朱子曰三陽位重剛不中居下之上乃危地也然性 體剛健有能乾乾惕厲之象雖處危地而无咎也干 利見大德之人以被其澤大德之君九五也乾坤純

小大非一 健 但言无咎德至聖人猶以无大過爲難也凡言无 有時而息何以 文先儒皆以 有爲者惟恐動而有咎方乾乾而即惕若 難登天命之難受也君子之德如此其敏以慎 謂此爻專以德言所以見乾之性情也乾之性情 竭才求進其引天 不息君子體之終日乾乾以自修又夕惕若 謂純亦不已者也故雖危厲而无咎如乾 周易集義卷 此 位言之 川就君子寡過之探心而言也愚按此 為聖人乎此不獨九 一而未明其德惟王氏之說近之 下爲己 任也无 知

九四或躍在淵无咎 九五飛龍在天利見大人 皆有此象乎 時是以无咎伊尹之幡然就湯孔子之周游列國 出處之際進退未定之時惟聖人審幾於介動惟 在下而處陰故有在淵之象或者疑而未定之辭此 **弘之於周其當之乎** 九四以陽處陰居上卦之下巳居上卦故有躍象猶 三之重剛而發斯義耳如以位言之文王之於殷周 | 正曰純乾之德積清剛而履天位天下莫測其所

見之之 乾之純陽五以剛健中正位乎天位乃爲 天下故為帝德廣運之象諸卦皆以 沒樂其道而願學焉亦利見也若小人革面而遵路 自 成道行則揖讓而有天下道 **香弗敢當學者亦弗敢自信故爲聖人** 爲飛之象焉豁然 可為寡過之民愚按龍飛在天則雲行兩施澤及 在已亦非期必 象惟君子為能利見之則雖堯舜周公之已 /周易集義卷一 而至惟不舍其健行 貫而天德全天佑 同之世垂衣裳而天下治者 明則教思垂於萬世 五爲君位而惟 八作而天下利 助而王

九
亢
龍
有
悔 危 窮高日亢知進忘退故悔也愚按九 亢 至於 用 而惕故无咎上 病也惟君子爲己之學務克己 而後悔亦巳晚矣當於盛時早慮其亢是以 知幾也若以 往任情而亢傲雖其所學亦嘗於克己 則益自是所謂衰至便驕亦學人 九居卦之終窮高而亢必致悔矣。退故悔也愚拨九三居下之上知 八之一生言之 未能拔盡矜氣究不能除始 初爲少而上 高老

此 遇 於 此 劃 梅乎 佳 純陽而居首故 龍无首 而六爻 用九言 龍 同占教乾 集義卷 吉 學益篤 氏者 於 剛 此 卽 口乾 一發之 爻者 用 皆 者 而 考來與之 處 聖 乾 九 雖 因 坤爲 而 繁之 别乾者坤 著者不之 不同所 剛 此同坤為 坤 使

輔 有无首无所不用其極也其解象傳叉申之 皆具象數之全乘至剛之德相與爲羣何首何從之 輔嗣之說與老氏不敢為天下先之意混其說六爻 剛為天下先凶之道 週 化未嘗以一時 乎剛也見羣龍謂觀諸陽之義无 不見其端耳愚謂王氏之說雖 者 |神而不測也 明所以 神化 不用七而用 无端可尋剛 物為首蓋其意以為无首者 也愚按船山王氏謂程傳猶 IU 九取其變也六陽皆 用柔健 近)理而猶有所未 為首則吉也 而 日天德 用順

命保合太和乃利貞首出庶物萬國咸靈 明終始六位時成時乘六龍以御天乾道變化各正 日大哉乾元萬物資始乃統天雲行雨施品物流 以示資始資生之本又以用九用六推其變通盡利 推尋以求言外之意則所謂盡利盡神自悠然有 勿第視為乾坤全變之占而已也 坤爲易之門陰陽斷 兩錯綜者各有其妙學者皆當於觀玩之際反 舞盡神處以見陰陽交錯循環无端而凡諸卦之 下之辭爲彖孔子釋之謂之彖傳本分上下一 問易集義卷 [開變化无方周易並建乾 求恕疏 篇

時乘六爻之道以法天運而多贊之是聖人體天之 道萬物之生皆資之以爲始故爲四德之首而實貫 形元氣鼓盪物自亨暢也此釋天之元亨也聖人大 乎四德之始終乃可以統天道焉雲行雨施品物流 以見萬物之資始於天而待成於聖也大哉乾元之 後儒分列各卦以便讀耳此傳文勢錯綜先儒之說 明乾道之終始觀六位之時成得其至誠无息之 似有所未盡愚謂聖人之意正寓於文勢錯綜之間 **具性命固不待聖人乃利貞也然|天鼓萬物而不** 元亨也乾道本一 一元變化生萬物即各賦之 2理以正

盥也如此說乃字方有著文雖錯綜意自一 盡其性以盡人物之性贊天之化育以保合於太和 萬物乃得盡其利貞之理而无所害焉如九五為承 台於太和則失其利貞之理矣惟聖人至誠台天能 天得位之聖人出乎其類致中和以位育而萬國咸 之成也實之既成則可復種而生矣此四德所以 歸重人事之微指亦顯然矣 者物之始生亨者物之暢茂利則向於實也貞 八同憂 端也然 人物旣生以後或不能保其性命之正以 問 易 集 義 卷 一 而四者之間生氣流行初无閒斷此 朱子曰統而論之 質而聖

取法也故取其行健而已至健固足見天道也朱 **子日乾道覆育之** 凡重卦皆取重義天 而明日叉 包四 | 卦爻之下而謂卦下之象為大 **治疆不息** 卦與六爻之象者也本分上 而統天也 周若重複之象非至健 一而已但言 不能

潛龍勿用暘在下也 修已之綱以厚德載物為治人之本故曰乾坤者易 **所用之六十** 出象有赐皆乾之陽也象有陰皆坤之陰也學易者 同以化者各自為體皆可效法以利用君子觀於一 陰 地之閒而无非學所謂希天也六十二象自乾坤一 '地雷風水火山澤入卦之垂象於兩閒者也而合 門道從此而出德從此而人也 陽而斟酌以 下釋六爻之解今所謂。 //周易集義卷一 |德皆修己治人之事以 求肖遠 其所不足而效法其所優也 ,象也陽氣在下君子 6自彊不息為 求恕家

龍在天 龍有悔盈不可久也 日乾乾反復道也 龍在田德施普也 反復重複踐行之意 見於地上德化及物其施巳普也 處微未可用也 在淵進无咎也 可兩進適其時則无咎也 也龍以 八人造也 而在天猶大人以作而居位

用 德似无 全全要之莫知所終引之烏知其始更不可爲首也 息終始一 德神化未嘗以一時 月首朔似有首矣然春即臘之底朔即晦之極渾 久也必知變通乃可久耳 可為首先儒皆謂陽剛不可為物先然旣目爲天 天德 位言之至上而 者全體天德循環不巳聖人之 不可為首也 質故足以承天之吉谷氏日 **周易集義卷** 不可為首之班王氏疑之其解以為 一盈成功者退之候數之盈不 物為首人能見此則自彊 御天者此也愚 一歲首春 士」求恕齋

文言曰元者善之長也亨者嘉之會也利者義之和也 **貞者事之幹也** 悔哉惟其善變故至神而不可測也人能知此庶可 轉不見其端固不可指何者為首矣亦覚憂亢以 以承天之吉乎 剛而其用則柔雖以陽剛知大始然必合坤之陰柔 他卦象象之傳而已獨乾坤二卦更設文言以盡其 作成物用剛之迹不可見也且既盈則變盈虛環 說相近而谷氏之說尤得用九之意蓋天德 說因可以類推本別為 篇後儒 移置

古 者也 則為智而為眾事之幹幹者木之身枝葉所依以立 者生物之成實理具備隨在各足故於時為冬於 則爲禮而眾美之會也利者生物之遂物各得宜不 者生物之通物至於此莫不<u>嘉美</u>故於時爲夏於: 先於此故於時爲春於人則爲仁而眾善之長也亨 足以幹事 妨害故於時為秋於人則為義而得其分之和自 1足以長人嘉會足以合禮利物足以和義貞 周易集義卷 三元者生物之始天地之德

君子行此四德者故曰乾元亨利貞 朱子日以仁為體則无一 九日潜龍勿用何謂也子曰龍德而隱者也不易乎 不成乎名遯世无悶不見是而无悶樂則行之憂 不息是以合乎乾也 德備萬善而所以行之者健而已矣君子能自 者也故足以幹事 人嘉其所會則无不合禮使物各得其所利則義 確乎其不可拔潛龍也 不和貞固者知正之所在而固守之所謂知而 物不在所愛之中故足以

博而化易日見龍在田利見大人君德也 [也庸] 言之信庸行之謹閑邪存其誠善世而不伐德 龍德而居正中德之盛也 也守其道不隨世而變晦其行不求知於時自信 明之有隱顯无淺深也 子曰初九陽之 日見龍在田利見大人何謂也子曰 見可而動知難而退其守堅不可奪潛龍之德 1 龍德聖人之德也乾卦六爻皆以聖人之 周易集義卷 一微能德之 然其所以自成者庸言 能德而 **三求恕**療 正 側

之不至忘其善而不伐焉守約施博如此其德大矣 之德也李氏日乾畫中實坤畫中虛實則誠虛則敬 功之及物者亦愈遠矣此皆大人之事雖非君位 故乾九二<u>|</u>言誠坤六| 惟恐邪之爲害密爲閑以存其誠焉抑抑乎惟憂蓍 之功實在於是信謹誠也天德也然其心猶兢兢焉 化之盛而於九二 **內聖外王一以質之之學也一 一於至善而不自滿假則德自博而化** 一則日君德以見庸言庸行之信謹 一言敬愚拨九五君位專言功

无咎矣 子敬德修業忠信所以敬德也修辭立其誠所以居業 位而不驕在下位而不憂故乾乾因其時而惕雖危 程子曰內積忠信所以進德也擇言篤志昕以居業 謂終條理者聖之事也此學之始終也君子之學如 也知至至之致知也求知所至而後至之知之在先 知至至之可與幾也知終終之可與存義也是故居 日君子終日乾乾夕惕若厲无咎何謂也子日 知所終則力進而終之守之在後故可與存義所 可與幾所謂始條理知之事也知終終之力行也 // 周易集義卷一 古雪求 恕 齊

致終之乃力行而期至於歸宿之地也知而行行 所止至之 此君子下學而上達之實功所謂自殭不息者如 為內外兩進而非判然兩事也知至則知其道之 、解終日之義見聖 者所以見於事修於事者所以養其心此聖學所 故知處上 而无咎也朱子語類云忠信心也修辭事 |者交相警發||而其道日盆光明終日乾乾又 息之 別哉蔣氏日乾乾因其時而惕時字正 乃行矣而驗其知也知終則見其道之極 人省祭之心无稍閒斷也愚 而无翳憂 也蘊

通過无恒非離羣也君子進德修業欲及時也故无 學下手處徹始徹終不外乎是道不遠人入德之門 程子曰去就從宜非為邪枉非離羣類進德修業欲 四日或躍在淵无咎何謂也子日上下无常非為邪 **豈待他求哉** 及時耳時行時止不可恆也或疑辭隨時而未可必 ·德學言外卦以時位言進德修業九三 一卦是全易總匯處乾之九三坤之六二 周易集義卷 順時猶影之隨形可離非道也朱子日內 一是聖

位 於 先得我心之同然者故為 見也本乎 類 真 不 に (時而進· 流淫火 亦類也故為各從其類之義 親上本乎地青 /就燥雲從龍 也 **「類聖人人類之首也故輿起於** 歸仰況同德乎故聖 者氣淸而親上本 親 何 風從 丁則各從其 同聲 也 重 乎地者形重 同氣之義 山龍德 同 而萬 類 也 物 則 同

見龍在田時舍也 終日乾乾行事也 潛龍勿用下也 九日亢龍有悔何謂也子曰貴而无位高而无民賢 舍次舍也因時出舍於田以道濟天下也 在下未可用也 在下位而无輔是以動而有悔也 朱子日賢人在下位謂九五以下无輔以上九過高 **志滿不來輔助之也** 耳若眞龍虎有不能生風雲者哉 //周易集義卷 **共求恕**

或雕在淵自試也 飛龍在天上治也 龍有悔窮之災也 得位而行上之治也 聖人之行雖決之以義而必自試其所學以 **所以異於功名之士勇於行隱遯之士果於止也** 朱子曰言乾元用九見與他卦不同君道剛而能柔 用九天下治也 極不知變故致災也 履人位日行其當為之事不容不乾乾也

見龍在田天下文明 或躍在淵乾道乃革 終日之 日乾 晦 龍德見於地上 万陽做潜藏之時君子 勿用陽氣潛蔵 明相承相易之際一進 乾與時偕行 而上變革之時天體常一 開无時不乾乾也 不治矣 周易集義卷一 一則天下見其文明而化之 **少當晦隱未可輕用也** 退如在淵 而道有變化其寒暑 而躍革以

乾元用 **亢龍有悔與時偕** 飛龍在天乃位乎天德 此 以天德言之惟五居中 也 消息盈虛與時偕行則无悔借極則窮故有悔 合故日乃位乎天德 出也以君道言之唯有是德乃宜居是位位與 **所以行時生物之主宰運乎上而雲行雨施皆自** 氏日則者有準而不過之意用九者有變而无當 九乃見天則 極 而應乎天位乃天之大德敦 也

乾始能 不言所利者蓋无所不利非可指名也故贊其大 實 朱子曰始則必亨理勢然也收斂歸藏乃見 者如而亨者也利貞者性情也 準 不是變換焉能使仁 乎剛健中正純粹精 **以美利利天下不言所利大矣哉** 則不過處故日乃見 天道不是變換焉能使春夏秋冬 1乾始之 /周易集義卷 道能使庶類生成天下蒙其美 | 義禮智各有其節用九正天 也 有其限 丽

下平也 · 天爻發揮旁通情也時乘六龍以御天也雲行雨施天 乾之主宰天以雲行兩施亨萬彙聖人居天位時乘九五一爻時承六龍以下則爲九五而言也九五為 勞通猶言曲盡曲盡其義在六爻 而備全其德者在 至極也愚接剛健中正一句似指二五而言 者其立不偏四者乾之德也純者不雜於陰柔粹者 不雜於邪惡蓋剛健中正之至極而精者又純粹之 子曰剛以體言健兼用言中者其行无過不 龍以御天則如天之博其德澤而天下太平也自 泛

龍在田利見大人君德也 君子學以眾之問以辨之寬以居之仁以行之易日見 見行而未成是以君子弗用也 君子以成德為行日可見之行也潛之為言也隱而未 乾元者以下四節申男条傳之意 自修之序本不急於見功是以弗用也 君子之德旣成則日可以見之行也初九之德雖成 而猶未敢自信以位言則隱而未見以道言則行而 未成謂方在隱居求志之時不即見之成能也君子 王氏曰學博則聚古今之理於心問審則擇善而辨 /周易集義卷一 九求恕遵

九三重剛而不中上不在天下不在田故乾乾因其時 而惕雖危无咎矣 所宜從寬謂容物而不自矜仁則推愛之理而順乎 德備矣古者世子入大學以親師考道天子卑服而 危也行之乾乾亦重剛之意剛者非但勇於任事實 重剛謂陽爻陽位惟其位非中不在天不在田時之 親康功田功皆以養成君德也 之情皆可上達宜為天下所利見雖未履天位而君 八情學問至則百王之法惟所損益寬仁施則百 (持心知時之)不中不恃其健行而防其所行 姓

之或之者疑之也故无咎 九四重刚而不中上不在天下不在田中不在人故或 則道 上人 朱子曰九四非重剛重字疑行或曰下卦已剛而 復剛故日重剛亦通不 自試必得其所安苡无咎 進退之機當揆之天時審之人事而非可遽 八者與天地合其德與日月合其明與四時合其 · 近於天下遠 · 危地也二爻 · 危地也二爻 心危則行不危矣 ■周易集務総一 下地二 下地之 大上 文 於遠為兼 地於人三 爲 入為 王求恕 位

亢之爲言也知進而不知退知存而不知亡知得而才 序與鬼神合其吉凶先天而天弗違後天而奉天時天 | 弗違而況於人乎況於鬼神乎 知理如是奉而行之 程子曰大人與天地日月四時鬼神合者合乎道也 不能相通大人无私以道為體曾何彼此先後之可 鬼神本無二理特蔽及有我之私是以牿於形體而 天地者道也鬼神者造化之迹也聖人先天而天同)後天而能順天者合於道而巳朱子曰人與天地 一哉先天不違謂意之所為默與道契後天奉天謂 11 .ht./// Wil

其唯聖 知 喪 矣固 剛 問而卒自應之也李氏 知進退存亡 反也萬物之理進必有退存必有亡得必有喪亢 /遇言 非計私以遊害者 人乎知進退存亡而不失其正 而不知 「知其理勢如是而處之以道則不至於有悔 居高而不肯下亢也進退以行言存亡 ,周易集義卷 而不失其正 | 故道窮而致災 也再言其唯聖人乎始若 1再秤聖 朱氏日亢者處極而不 八固有知進退存 、者歎美用九 一者其唯聖

地 得朋東北喪朋安貞吉 世 **陰以象地道之** 元亨利牝馬之貞君子有攸往先迷後得主利 地 德立名故周易 類然委順之 道能於聖 同而貞體 知進退存亡而不失其正者其唯聖 調坤 凡卦多取象於物 順承故名之 、則未必得其正不得其正則與 |建乾坤爲諸卦之 者 **耦也陰之敷也此卦三** 日坤因而重之 理 人事而乾 統宗坤乾)則其 坤獨 畫 西

從文言傳以 馬之貞順乎乾以爲 然因此而 貞牝馬 從陽以 配乾者也坤之 耳有終為健故日利牝馬之貞坤道從乾乾為 喬氏日 // 周易集義卷 人事君之道也東北喪朋者絕 則迷而後則得其所主西南得朋者率 坤惟 主字為句利字應屬 滯於形質 也 而 〕此皆陰道之正而能安之 德即乾之德乃柔順以承之 健 乾苡得主得 江也後得主鄭氏喬氏皆謂當 (則或有失其正者故利於 取其 陰 下兩句讀鄭氏 類以從陽 而

祗以元亨利貞四德言天道所以尊乾也至坤卦 喪其朋類乃能成化育之功而有安貞之吉沈 「卦繋解之旨无非爲君子謀 君子有攸往句明示天下學易之道且以見六 為迷錯居後乃得其常也西南陰方東北陽方 王繋辦皆言人事示人法天之學也乾道廣大 而巳矣程子日陰從陽者也待唱而和陰而先 元萬物資 以朋皆吉 事妻道也臣道也妻從夫臣 天坤厚載物德台 也

北喪朋乃終有慶安貞之吉應地无 能承天之功品物咸得亨遂取牝馬爲象者以其柔 成其功坤之厚德持載萬物合於乾之无疆也以合 義差緩不若大之甚也聖人於尊卑之 包容也弘寬裕也光昭明也大博厚也有此四者故 萬物資乾以始資坤以生父母之道也順承天施 子攸行先迷失道後順得常西南得朋乃與類行 弘光大四者形容坤道猶乾之剛健中正純粹也合 程子日資生之道可謂大矣乾旣稱大故坤稱至 而健行地之 /周易集義卷一 類也行地无疆謂健也乾健坤順坤 疆 辨謹嚴如此 **重求恕**

象日地勢坤君子以厚德載物 道之无疆也 **者合羣陰以從陽後代終也喪朋者歛羣陰以避陽** 也剛不害其為柔也何氏日君子之行以陽剛為 先无成也陰體柔躁故從於陽則能安貞而吉應 其常蓋陽為主陰承之此天地不易之常理也得朋 來氏曰天以氣運故曰天行地以形載故曰地勢君 以陰抗陽故迷而失道以陰順陽故得所主而不 亦健乎曰非健何以配乾未有乾行而坤止也其動)象以深厚之德容載庶物也

初六履霜堅冰至 陰數六為老八為少故陰爻稱六陰之盛也程子 有之幾特用之不得其宜則爲惡故雖乾坤之大德 六十四卦之變動皆人生所必有之事抑入心所必 堅冰矣猶小人始雖甚微不可使長長則至於盛也 為之戒陰之始裝而為霜履霜則當知陰漸盛而至 **鹰始生於下至微也聖人於陰之始生以其將長** 卦之德皆以此為統宗所謂易簡而天下之理得矣 而以剛健治物則物之性違以柔順處已則己之道 腏惟以乾自彊以坤載物|而內聖外王之道備矣餘 局易集義卷一 **盂**求恕蠢

亦非人 慝之分爲故聖人作易於其不能相无者旣以健順 朱子曰馴順習也 育而参天地者其旨深矣 分則未嘗不致其扶陽抑陰之意焉蓋其所以贊化 朱子曰夫陰陽者造化之本不能相无而消長有常 履霜堅冰陰始凝也馴致其道至堅冰也殊子日 |直方大不習无不利 ·養之屬明之而无所偏主至其消長之際淑慝之 八所能損益也然陽主生陰主殺則其類有淑

象日六二之動直以方也不習无不利地道光也 下地之道也沈氏日坤至柔而動也剛直也至靜而 程子曰二 所謂坤以簡能者如此 程于日承天而動直以方耳直方則大矣直方之義 與乾並其大矣惟以乾之德為德故不習而无不利 坤亦未嘗不直乾體圓坤則效之以方德合无疆 而大者乾之德也坤无德以乾之德爲德故乾性直 德方方也含萬物而化光大也坤之道至簡也至靜 承天而行順物而成初无假於修習也唐氏日直 |陰位在下故爲坤之主統|||坤道中正在 / 周易集義卷

六三含章可貞或從王事无成有終 德也 其大无窮地道光顯其功順承豈智而後利哉項氏 日六二全具坤德孔子慮人不曉六二何由兼有乾 章美有善則歸之於君乃可常而得正上無忌惡之 地道光也言地道主六二猶乾之九五言乃位乎 能直也叉慮人不曉六二何由无不利故叉解之 程子曰三居下之上得位者也為臣之道當合晦其 直故解之日六二之動直以方也言坤動也剛所以 心下得柔順之道也可貞謂可貞固守之又可以當

象日含章可貞以時發也或從王事知光大也 **以守其終耳守職以終其事臣之道也** 知之光大也知光大者知天下事旣爲分所當爲力 之不知豈能含章也愚按自古聖賢不矜不伐皆其 義則并及下文他卦皆然或從王事而能无成有終 含而不爲不盡忠者也或從王事象只舉上句而解 程子曰義所當為者則以時而發非含藏終不為也 久而无悔咎也或從上之事不敢當其成功惟奉 **者惟其知之光大故能含晦浅暗之人有善惟恐-**历能為雖任其至勞止於至善不過自完其分耳方 //周易集義卷一 **天求犯**秦

天四括囊无咎无譽 总於終乎彼有一善一功而遽沾沾自喜人或不知 之以坤叉居上之下以陰居陰皆非可有為之會存 當護密|或時當隱遯也愚按六四當坤道之革|而重 朱子曰括囊言結囊口而不出也謹密如此則无咎 當為者无可矜亦不容諉耳 而亦无譽矣六四重陰不中故其象占如此蓋或事 見才求譽之心咎即隨之欲求免咎必先韜晦謹密 且兢兢焉惟恐不克完其分爲何敢居其成叉何敢 則倖倖然推該而怠於終皆其識之闇小未知分所

五黄裳元吉 括之象也 黄中色裳下飾陰以在下為正坤之地道獨以屬] 能慎如此則无害也 **故六五為在上而稟陰德者居中自下深厚而美自** 旨者乎括結之也坤虛而容物囊之象也重陰之圖 之清議譽之所歸即咎之所集其未知括囊遠害之 日括囊无咎慎不害也 談時務管幼安之深戒露才其得括囊之旨乎漢季 如囊之括其口可免咎則亦无可譽矣徐孺子之不 // 周易集義卷 王求恕亦

敢恣肆於高貴之上此大吉之道也愚按六五以陰 則遂忘乎已之為卑反道敗常而禍患生矣五順體 適然耳然陰旣居陽則遂忘乎已之爲陰卑旣處尊 有黄裳之象陰居高位而能如此吉孰如之以坤道 見則吉矣芮氏曰此聖人正告六五以自處之道而 居高位而有中正柔順之德能自抑而不驕者也故 名製旣定即有時尊裳如衣而裳者自安其爲裳不 示以趨吉之方也陰之居陽卑之踰尊此非常事時 而得中雖居尊位常有抑損自下之意譬猶衣裳之 言可為后妃之吉占即以君道言推愚夫愚婦

象日黃裳元吉文在中也 **六龍戰于野其血玄黃** 間然之章不顯之文也 以陰而居陽處中內蘊陽明之美故曰文在中所謂 在此盛而已極彼伏而方興戰而交傷所必然矣陽 王氏日陰亢已極則陽必奮起龍陽物也于野卦外 膀予之心雖在崇高而抑然自下豈非元吉之道乎 戰陰道之將治也而欲奮起於沍陰之世則首發 象陰陽各有六位坤六陰畢見則六陽皆隱而固 不得解其傷矣坤卦純陰其道均也而中四爻 周易集義卷 天求恕產

日龍戰于野其道窮也 敵矣戒陽也 必伐之戒陰也以戰而言則知陰不可長長則與 坤各有其德不可相无初慘而不舒上淫而不忌是 恩按陰陽之極而不得不變者勢也故乾坤上爻皆 雜則亦天數自然之致非人事之有愆故堅冰龍 以冰之堅玄黃之血成乎世運之傷然卦體純而 氏曰六陰皆見於象窮極而无餘陽必起而乘之 不言凶馮氏日主龍而言則知陰不可亢亢則陽)解惟初上 一以世運之幽陰爭亂言之蓋乾 陽

象日 用六利汞貞 通例也以此卦純陰而居首故發之遇此卦而六爻 鷲而必戰即以人之性情驗之亦可見也 則能|| 不貞矣愚按陰以從陽為貞變而為陽則從陽 朱子曰用六言凡筮得陰爻者皆用六而不用八亦 一用六汞貞以大終也 德益固故曰利汞貞陰道以此為利也 變者其占如此辭陰道柔而不能固守變而爲陽 一窮然陰陽之 /陰為小陰皆變而為陽以大終也程氏日 //周易集義卷 性 不同陽過則亢而致災陰過 陽

含萬物而化光坤道其順乎承天而時行 萬物性命之理然惟處乾之後順乾而行則得其所 天也 叉贊坤道之 **王而不失坤道之常是以能致養萬物含弘光大故** 而成萬物化育之功惟其體方故能不拂乎正而順 柔靜者體也剛方者用也惟其動剛故能德應乎乾 極不為首是无始也陰之極以大終是无終也終 環變化无端造化之妙固如 |柔而動也剛至靜而德方後得主而有常 順承天之施行不違時此坤德所以 此

不早辨也易日 弑其父非一 則福慶及於子孫所積不善則災殃流於後世其 至於弑逆之滿皆因積累 子曰天下之事未有不由積而成家之所積者善 則知漸不可長小積成大辨之於早不使順長故 家必有餘慶積 而至於大皆事勢之 非心 惡 周易集義卷一 朝 邪念其端甚微若順養將 由而成乃知冰霜之戒也霜而至於冰 履霜堅冰至蓋言順也 一夕之故其所由來者漸矣由辨之 不善之 順長也愚 而至非朝夕所能成也 家必有餘 按順字實有深 去不覺積 臣弑

直其正也方其義也君子敬以直内義以方外敬義立 而德不孤直方大不習无不利則不疑其所行也 **内守義以方其外敬立而肉直義形而外方義形於** 程子曰直言其正也方言其義也君子主敬以直其 有横流之害耳 大其機至易如水之下流甚順不早迎而遏之將 不孤也无 1敬義夾持直上達天德自此王氏日存之 |敬制之於事者曰義內以持已言外以應物 一外也敬義既立其德盛矣不期大而自大矣 (所用而不周无所施而不利孰為疑平

事各有制天下皆敬服之 倚則德孤矣敬以行義主一无 昭敬擇精行篤而義非襲取敬義夾持內外相濟 其性存義以踐其形亦所以承天也苟內外有所偏 愚 於天則義行也故為坤德之盛而君子立德之本也 不習而无不利也六二 按地道承天故不習无不利君子體之主敬以復 所偏倚德自日甚而不孤蓋其主 則心不 右逢源 周易集義卷一 妄動而自无曲撓行義則守正不遷 而達乎天 一居中得正敬德也順而不違 `德豈待習而後利哉此與乾 一德不孤而行无疑矣所以 適而敬非虛縣義以 一敬 所存集義

焓 道 雖有美合之以從王事弗敢成也地道也妻道也臣 也地道无成而代有終也 蓋乾能始物不能終物必賴坤繼而終之曰代有終 陰 居其成功三為坤道小成而不居其成純乎順)疑即 九三 雖有美含而不敢暴其美惟知代上以 并其終亦非所敢有也地道妻道臣道莫不然 者皆天氣也惟无成而代有終地之道也 一皆示人以入德之門乾卦言誠而此言敬敬 誠之所由立也 天地 般月之光乃日之光也地中

語言謹也 地變化草木蕃天地閉賢人隱易曰括囊无咎无譽 發天地閉之義夫閉於前而舒於後生化之功自是 隱者斯賢也雖有嘉言善行不當表見以取譽惟括 出也括囊之謹庸有害乎 閉而不施地閉而不納於時為堅冰於世為无道能 四以重陰居上卦之下奥他卦近君之位不同夫坤 霎晦藏則雖无令譽亦可无咎言當謹守也張氏曰 其動也開應二 囊蓋內充其美待時而有爲者陽舒陰閉故孔子 // 周易集義卷一 一之德其靜也翁應四之位翕閉也天 至求恕齊

事業美之至也 君子黃中通理正位居體美在其中而暢於四支發於 **充實其安貞之體則美旣在中而威儀之赫喧文章** 著君子間然日章之德也恩按坤之六五諸家皆不 外无異致也故曰通理端己以居位而盛德表見以 王氏曰六五黃中之美與二合德敬義誠於中形於 |位||而不失為下之體不與斯象合數 君道言是也然古之諸侯以臣道而居 有斐美无以尙矣坤无君道以二為內美五為外 如周文王賢如衞武公其文在中而達於理 M ZUGGE IN J. 國之丰

陰疑 類也 朱子曰 與陰戰也不言陽則嫌于无陽也故稱龍焉稱龍 傷也然但稱血 色言陰陽皆傷也芮氏曰陰疑于陽必戰未嘗云陰 未嘗无也血陰屬蓋氣陽而血陰也玄黃天地之正 明陽之有在也陰雖極盛能與陽戰然猶是陰耳 能離其類 **故稱血焉夫玄黃者天地之雜也天玄而地黃** 于陽必戰爲其嫌于无陽也故稱龍焉猶未離 象陰陽之 疑謂均敵而无小大之差也坤雖无陽然陽 //周易集義卷 而變為陽也故稱血焉稱血以明陰之 一則又似陰之獨傷者故又曰其血 兩傷也陽傷矣然猶以玄黃二 医状恕 字雜 其

者也 備大小險易得失之 其傷也非孔子深見周公扶陽押陰之心亦不能發 也屯蒙綜以 屈伸之 有偏成之物故易之序錯綜相比合二 明詳盡如此 係之其血之下者以 元亨利貞勿用有攸往利建侯 坎宸 卦放此 致乾坤並立屯蒙交運合異於 相 報也此周易之大剛以盡陰陽之用 王氏日陰陽非有偏至之時剛柔非 明陽雖傷猶隱之而不忍正言 一機互觀而益與乾坤錯以 一卦以著幽 人同而經 相

能正天下之不正故利貞惟不欲速爲能成功之 動以濟險也楊氏曰時屯求亨其道有三惟至正為 利建侯蓋即指初九而言時際艱難資其剛健之才 有所往也天下之屯豈獨力所能濟必廣資輔助故 屯有大亨之道而處之利在貞固方屯之時未可遽 陰復冒乎其上故爲屯冬春之交陽氣動而欲達復 有風雪凝寒遏之不得暢天地始交時理數自然也 勿用往惟多助為能克寡助故利建侯愚按文王 難也其字象屮穿地發生而未遂之象此卦初九 陽生於下九五出於其上有出地之勢而上六 /周易集義卷 西求恕查

滿盈天造草昧利建侯而不窗 中地中之陽動於下地上之陽即咸而爲主於中其 乾坤而爲陰陽之始交也難生陽鬱於陰而未能 在草木則陽方與而欲出之象以卦象言之 始交謂繼乾坤而爲陰陽相雜之始也屯之卦畫 日屯剛柔始交而難生動乎險中大亨貞雷雨之 緊象據六爻之得失以立 爻其象多因乎象故曰知者觀其象辭則思過半矣 興為天地蒸變將施澤於物而未行之象故屯 交而處下再交而函於中蓋天包地下而氣入地 ||言周公作爻辭凡卦之)則雷

造猶言天運謂天欲開治之時也草草創床蒙昧 亨之道亦在貞固貞固乃能致 能大亨由夫貞也非貞安能出屯人之處屯有致大 **盈於天地之閒而生物乃遂屯有大亨之道也所以** 不쐴謂當憂勤惕厲陽鬱於陰萬物未覩王業草創 [雲雷屯君子以經綸 、
昧未開所恃者初
九動而有爲宜建之 剛不為難阻震雷鼓動積陰散而為而則和氣 動於坎險之下 //周易集義卷 險又當憂勤惕厲未可安意坦行也 亦艱屯之 一而其用自神也 義然能動乎險 為侯以 **麦**球恕

初 九磐桓利居貞利建侯 陰陽聯離異之情君子觀象以治世之屯運天下於 條 類而合之也雷以開導晦象分陰陽之紀雲以翕合 **脣也經綸治絲之事經者理其緒而分之綸者比其 進則犯難矣故宜居貞以固其志凡人處屯鮮能** 世居 理也 心猶治絲者旣經之叉綸之所以解其紛而使就 不云雨而云雲者陰陽粉交未即成雨所謂 桓難進之貌初以陽爻在下乃剛明之才當屯難 下而能有爲者也方屯之初苟不磐桓而

屯難之 陽剛居 **志在行正而非坐視時艱觀望不前也陽貴而陰** 固其守得濟屯之道者也初九本成卦之 剛陽之 所以失義而不能婚初以 人也磐)世欲震 下雖以時未利而磐桓不進然爲震之主 /周易集義卷 一才而能自下於陰柔所以能大得民而 志行正也以貴下賤大得民也 桓利居貞亦即勿用有攸往利貞之意 動羣陰與之交處以濟九五於險則 一条言利建者其事也爻言利建者 觀變居正以俟時屈己 動而有為之才能居

乃字 難而遭迴不進初非為寇也乃求為婚媾耳但已 **者合矣程子**日 正故不之許至於十年數窮理極則妄求者去正 朱子日班分布不進之貌字許嫁也禮日女子許嫁 **屯如邅如乘馬班如匪寇婚媾女子貞不字十年** 濟屯之道不外是矣 而字六一 **剛所凌故為難也以女子陰柔苟能守其志節** 一不失義者也然逼近於初陰乃陽所求柔 一陰柔中正有應於上 一當屯世雖不能有濟而居中得 一而乘初剛故爲 所 守 應

象日六二之難乘剛也十年乃字反常也 為寇以侵逼於人何也曰此自據一以柔乘別為 移至於十年則難久必通乃得反其常而與正應合 也 更不計初之德何如易之 **奏動之心而才不足以自** 即鹿无虞惟人 **獲通況君子守道不回乎初為賢** 一當震體之成以柔居剛而坎險在前雖有 |居屯之時而為剛陽所逼故有此難然守正| /周易集義卷 /于林中君子 取義如此 幾不如舍往各 明刚正之

能 而躁進不保其能含故有往吝之憂 往之象類知幾 則 **不人之意至深切矣** 即鹿 甘自陷耳聖人導以 見幾无不可轉之 即 鹿 而 无虞以從禽也君子舍之 含而勿逐往則徒取窮吝而已三柔而无 不知險惟貪於從禽而躁動也非知幾之 中車絓 人也入山林之險必有虞八導之否 而能止故可勉以君子之道然體震 理特患負而妄動則智以 馬阻而 轉敗之幾又警以從欲之 无所獲君子見事之 往各窮也 大几處危 地 銳

八四乘馬班如求 初也 如是夫 四與 日求而往明也 之象求婚媾初來求也柔而得正初所宜求求而決 子能 四之順德也雖若才弱不能對屯初以剛明之 初應而又上承九五 无吝以致窮乎)時尤貴識所當從六四知初九之正 |以非應而不字四以正應而往吉出處之 |應應其求而倚以濟事吉孰大 周易集義卷 媾往吉无不利 未能專其所適故有 /焉求婚媾者 應有別

庶幾乎 知 明之才然猶必待其求而後決 禮有大貞謂 五屯其膏小貞吉大貞凶 所謂 於所往蓋雷動雲與而時雨 明孰能與於斯昭烈三 爲但可小事不可大 九五雖有陽剛中正之 作內吉作 大小如遷 外凶用靜吉 國立君之事 顧而諸葛 事日小貞吉大貞凶 德 不降之象魏氏日 而陷於 :凶者趙 五處險中不 (險中无

時內患可處外憂未端惟恃初九 典愚按九五以陽剛中正而居君位世所望以濟屯 用整齊振刷之術人皆駭懼凶孰甚焉故新國用輕 者也而陷於殷中膏澤不得下施如王者當屯難之 而漸導之默化潛移而人不覺久之而大者亦漸以 生肘腋必致凶矣然非一 正也夫居尊位者施擇之權在已苟施之得當天 政教簡其號令使徐就吾之 、卦惟初九有濟屯之才而不得其位九五 周易集義卷 加加 旦求大正於物則陰險爭衡變 无所正也就其小者因勢 經營乃可得吉若 爻動而相齊マ

象日屯其膏施未光也 | 六乘馬班如泣血漣如 下矣又何患屯之不濟哉此卦之所以利建侯而尤 **臂**澤不下及是其德施未光大也 得民為重也 沛其恩膏龍以異 而凡初九得民之道皆歸於九五而膏不屯於天 獨懷異志以 有班如不進之象夫陽方與而已履乎中位 處險之極而无應拨居則不安動无所往 《相難初旣得民五膏盈滿豈能終》 敷虚已以 一從之 則膏不屯於初

利貞 蒙亨匪我求童家童蒙求我初筮告再 陰 蒙昧也其卦以坎遇艮山下有險遇險而止 明之象但以 **亨通之道** 艮坎 哉時過 留 也 血連如何可長也 於陽生之後勢不能人也 //周易集義卷 勢傾惟自悲泣而已 |柔得中||而下應乎|| 剛得中治蒙之 難 道屬焉故內之而稱 |可不終於味故有 者終必自受其 一瀆瀆則不告

求我也筮決也初筮告謂至誠一 再三則瀆慢矣故不告也發蒙之道利以貞正愚 待其誠求而後應之 其蒙也程子曰二 正 我童蒙謂五 八之方童理未曙而欲亦有所閑止故能用二以 同 冢山下有앐殷而止蒙蒙亨以亨行時中也匪我 即養蒙之正術利於貞固守之論語日 也五雖柔暗而居止體又得中應一 以 則能用其道匪我求童崇童家 剛中為五所信衞當以道自守 隅不以 三隅反則不復也意 意以求已則告之 發 如

求童衆童衆求我志應也初筮告以剛中也再三讀 則不告瀆蒙也蒙以養正聖功也 時中也一 德樂道不如是不足與有為也朱子曰九二 必待人君致敬盡禮而後往者非欲自尊大蓋其尊 以求於君苟自求之必无能信用之 為故為昬蒙之義蒙之能亨以亨道行也所謂亨道 程子曰山下有險丙險不可處外止莫能進未知所 求於五蓋五之志應於二也資者在下豈可自 //周易集義卷 一以剛明之賢處於下五以童蒙居上非是 理古之人所以

告而有節也漬筮者二三則問者固瀆而告者亦讀 亨之非時中也再三瀆而亦告之非時中也蒙宜養 中耳朱子謂如下文所指之事蓋謂志未應而遠欲 事皆以亨行而當其可也以剛中者以剛而中故能 以三隅反而復以一 師道必嚴剛中裁物正所以善誘彼志在躐等不能 矣胡氏曰蒙豈无可亨之道但恐亨之不得乎時之 正過此而後養之非時中也恩按君子誨人不倦而 蒙之時天眞未散性度未偏特蒙昧而未能深思耳 」愈續則愈蒙其不告也乃即所以養其正也蓋童 隅問者乃全求諸人而不求諸

象日山下出泉蒙君子以果行育德 **以深思思日睿睿作聖故日聖功夫聖者无所不通** 終能流而成川然使其源之不深則其行雖果而易 **壹此不懈可以至於无所不通豈非作聖之功乎 以竭艮之象山也其德止也山惟其靜止故泉源之** 壅於沙石豈能遽進哉惟其果抉必行雖險不避故 源所謂純 之謂以純一 王氏日不日山下有水而日山下出泉者泉者水之 「演則不告者抑其輕躁之心絕其誕慢之習而遵 未發之蒙養其正而導以思使之自得 不雜者眞氏日泉之始出也涓涓之微 至水松育

初六發蒙利用刑人用說桎梏以往吝 也 程子日初以陰暗處下下民之蒙也發下民之蒙當 如水之必行育其德如水之有本 出者无窮有止 必教之|而不率者也與童蒙之可以順導者迥異非 明刑禁以示之使之知畏王氏日不辨之 小而用說桎梏縱之以往則吝道也愚按聖 可以陰暗居坎險之下錮蔽之深不可以理喻是 於小則蒙之難極矣當蒙之初不能正法以懲其 向刑而此乃以用刑為利者示遏蒙於初不可從 W YIVERIN IN W 一而後有行也君子觀蒙之 THE PERSON

象日利用刑人以正法也 **豈聖人所得巳哉 以刑惕之其蒙不可發也聖人之正天下也防微杜** 程子日治家之初立其防限明其罪罰正其法也使 漸明罰勅法嚴於發蒙之初正以成其後之寬也刑 爲教者也學者當善會之 教是也然必教之不從而後以刑儆之未有遽以刑 刑者不復知教化在其中矣愚按程子謂刑乃所以 不教而誅乎不知立法制刑乃所以教也蓋後之論)由之漸至於化也或疑發蒙之初遽用刑人毋乃 / 周易集義卷 呈求犯療

九二包蒙吉納婦吉子克家 吉也朱子日以陽受陰為納婦之象又居下而能任 能發天下之蒙成冶蒙之功其道廣其施博如是則 之君相應當時之任者也必廣其含容哀矜昬愚則 程子日包含容也居蒙之世有剛明之才而與六五 程子曰二五剛柔之情相接故能行其剛中之道楊 引伸觸長在人善會耳 包者廣聖人略舉其端以示人一 1子克家剛柔接也 一事爲子克家之象愚按一爻而有三象者易之所 一不爲少三不爲多

六三勿用取女見金夫不有躬无攸利 言也 或失臣子之義故以子克家戒之愚按天下莫親於 當由正禮乃見人之多金說而從之不能保其身者 程子曰三以陰柔處蒙闇不中不正女之妄動者也 正應在上不能遠從近見九二 叉子欲明相得无閒之義故不以君臣言而以父子 事如子克家耳李氏日聖人恐九二 /周易集義卷一 |應||而從之是猶女之見金夫也女之從 使致君 一為羣蒙所歸得時之 如伊周亦臣子 一以師道自居 医水松素

六四困蒙吝 應若含而從之則非正矣屯之六二中正故能固守 有不可發者不能親師取友其因而吝也自取之也 程子日其行邪僻不順不可取也 今三以蒙而不中正之陰而乘剛必不能保其躬矣 也无所往而利矣愚按九二 胡氏日六四所居所比所應皆陰困於蒙者也蒙豈 程子曰質謂陽剛也愚按天下惟遠仁賢而自 勿用取女行不順也 |雖羣陰所宜從||三有正

ハ五童蒙吉 甚焉 甘為人 明虛中以任之 臣以柔為體 以九居五六居 一為 氏日五以止) 童 蒙 以 柔 中 純 剛中守其柔順則上下交而其志同矣實 不當位而解多吉蓋君以剛為體而虛中為 **周易集義卷** 而不解是以不可化誨而終困於常 而剛中為用君誠以虛中行其剛健臣 一體柔順得中有純 所謂能自得師者也故吉李氏日 一為當位而觧多艱以六居五九 **德安其所止而下應九** 未發之

象日童蒙之吉順以巽也 一九擊蒙不利為寇利禦寇 賢優於天下矣 程子日舍已從人順也降志下求異也愚按以此 殷之太甲周之成王恭己以聽伊周而天下自治吉 通例悬按李氏之說甚得易意如此爻柔順居中 朱子曰以剛居上治蒙過剛故為擊豪之象然取必 孰加焉人君苟能虛己任賢雖崇昧如漢後主猶足 立國於割據之時況中主而當平世乎 不足以擠而下應九二之剛中有虛已任賢之

程 擊去其蒙而已 羣陰所順者也九一 利為寇利禦寇者言不宜越境攻人但當捍禦外 處不得不用兵之時而居止體有不欲窮兵之象了 用刑大則用兵上 [利用禦寇上下順也 純則雖過於嚴密乃為得宜愚按治蒙之道輕 過 日擊蒙越境攻人日寇兵者不得巳而用之上 攻治太深則必反為之 ||周易集義卷| 九當蒙之極以剛居外有將象焉 一包蒙於內上九擊蒙於外不

需有学光亨貞吉利涉大川 程子日需待也乾剛上 **欲黷武以攻人則上下之心必不順師未出而可知** 其不利矣 者也雖勞民以禦之上下自無不順從 也以此而需何所不濟故利涉大川朱子曰涉川。 擊者則包之 一居君位有剛健中正之德而誠信充實於 也有学則光明而能亨通得貞正 不可包者則擊之 |進||而遇險未能進也故為需 利也如 吉

也 有学光亨貞吉位乎天位以正中也利涉大川往有功 命從容以待時則其待也有可待之實质以有光亨 程子日需之義須也殷在於前未可遠進故需待而 亨失需之正反不能達矣 必我實有可濟之道而遇時勢之未可速濟安於義 需个无不濟矣若當需之時而欲速則不能有学光 之理但守其貞正自可逢吉迨夫功深時至向之] 需須也險在前也剛健而不陷其義不困窮矣需 (於能待則不欲速犯難也愚按需之為義甚廣 /周易集義卷

象日雲上于天需君子以飲食宴樂 度之愆此則所宜需者也凡大象取義多與卦象 食宴樂矣而猶需之故酒凊肴乾終日百拜而後 有字而貞正雖涉險阻往則有功也 逸逸之 醣後天下 而樂雖享天下之奉而無縱欲 其義不至於困窮矣居天位指五以正中兼二 行也剛健之人其動必躁乃能需待而動處之至善 子敏則有功无所用需惟其于飮食宴樂也可以飮 王氏日雲氣蒸而上升于天未能成雨需之象也君 若仍就卦象言則與九五爻解稪矣

象日需于郊不犯難行也利用恆无咎未失常也 初九需于郊利用恆无咎 於曠遠利在安守其常則无咎不能安常則躁動犯 程子日初最遠于險故為需于郊郊曠遠之地也處 所動或為事勢所激雖犯難不顧耳所以不失常 矣孫氏曰人惟中无常主或爲才能所使或爲意氣 地不犯難而進且能安處而不失其常則可以无咎 程子曰陽之爲物剛健上進者也初能需于平曠 位有可安惟居易以俟其義自不困窮也 難豈能需于遠而无過也愚按初之時未可進而其 √周易集義卷

象日需于沙衍在中也雖小有言以吉終也 害終得其吉也 程子日坎為水水近則有沙二 若將終身焉乃能用常也 柔守中寬裕自處需之善也小有言語之傷而无大 沙雖未至于愚害巳小有言矣」 于犯難雖小有言不以介意故終吉否則惟口與戎 **팵愚按君子之需時也以義志雖有需而安靜自得** | 需于钞小有|言終|吉 子曰衍寬綽也愚按二 一以中道自處乃寬綽不至 一去險漸近故為需于 一以剛陽之才而居

九三、寄于泥致寇至 **象日需于泥災在外也自我致寇敬愼不敗也** 、四需于血出自穴 發明占外之占示人之意切矣 善處猶可立于不敗之地除易之機閒不容髮聖 程子日泥逼于水矣旣進逼于險當致宼難之至三 **競于小言亦足致患安能以吉終乎** 外謂外卦三之致寇由己進而迫之故云自我幸災 刚而不中叉居健體之上有進之象故致寇也 在外雖致寇自己而進不進之權亦在已苟能敬慎 /周易集義卷 罕求恕產

象日需于血順以聽也 朱子日血者殺傷之象穴者險陷之所四交坎體 乎殿矣故為需于血之象然柔而得正需而不進故 進不啻出乎險以避之也順以從時所以不至于凶 若有競心恃險而不出則危矣 而當位有順象而無競心能自平其險以聽三陽之 上陽必見攻是需于傷害之地也出自穴者四柔 為出自穴之象愚按四以陰柔居險體而乘三陽 柔居柔順以聽陽之進故能出自穴而无凶咎胡 三能敬則雖廹於險而不敗四能順則雖居於

九五需于酒食貞吉 幾化治之垂成君子未嘗弛其勤敏之心然有不得 殷而 可出敬與順固處險之道也 笙簧酒醴從容揖讓於廟堂君子賢其賢而親其親 之象有不遑暇食之勤乃有需于酒食之吉斯時也 同德相孚是能盡需之道者夫事之當需者如學之 王氏日五以陽剛居中得位雖在險中而下有九二 為近功者是謂得需道之正而吉也 小人樂其樂而利其利期治於必世百年之後而 不聽其效之自至者故以需于酒食形容安以待之 //周易集義卷一

上六入于穴有不速之客三人來敬之終吉 **家日酒食貞吉以中正也** 張氏日內多欲則有求治太急之患德惟中正所 **脍皆有穴象四日出自穴而上反日入于穴者四當** 需合于貞而得吉中正即字貞意是推原所以 入穴之象其說不一而義多未安愚按外卦坎體 處且見其飲宴非耽樂也 有下應之意故入于穴俯以俟陽之來也速者主召 客之解三人乾三陽之象下 |陽之衝故出自穴順以聽陽之進也上居穴外而 三陽非皆與上應也故

象日不速之客來敬之終吉雖不當位未大失也 有不期之遇亦自然之理也 君子處險之道也人苟能守分安命敬愼自持往 固窮者矣豈意不速而來者且有三人焉斯眞意 安于處險雖有九三之應而无致其來之意可謂能 理之自然夫惟妄進而不安于需者乃終窮耳上 之遭逢矣上旣柔順能虛己敬之然可獲吉未嘗 日不速之各上 極无復有需亦旣安之若命矣然窮則變變則通 /周易集義卷 一六九三當位而應九二 一柔順有敬之之象上獨不言需當需 一初九不當位而 **歪球恕齋**

訟有孚窒惕中吉終凶利見大 於一 象辭去其三人止曰不速之客來者爲上六也上 應三陽同類敬其 訟之道也愚按有学室惕中吉蓋取九二 而兼應之則得三人自不當位言之則失也自得 乾坎 言之 子曰訟爭辯也上乾下坎乾剛坎險上 下險以何其上叉為內險而外健 一於初爲不當位也當位而應則得 則雖不當位未大失也 不敬其一 則需之者所失 利涉大川 此險而彼健皆 剛以制 一中實而 人不當位

象大率皆因卦畫故爻解亦往往 求勝而終 保其必勝乎宜有惕于中戒護而輟訟乃吉若務欲 五 在學者善會耳夫訟之道固貴有其字實 易之所包者廣聖人因其時位之變通而隨事指 於陰中之象終凶上九之終極於訟也利見大 之中 塞不得通乃不能 利 上剛下險險而健訟訟有学窒 步大川戒其蹈於危險也 周易集義卷 居尊也不利涉大 極 其訟必有凶也利見大人 已於訟也然訟既待決於 川以剛乘險也卦解取 相協其有不同 惕中吉剛來 八乃可辨 |惟有学| 垩 求恕齊 IN

說通謂失乃反中昂卦則 丙 云 也 皆故往之坎覆乎更相有 需 剛 之為小番錯之 得 與 凶 噞 上标未 淵 五渦 訟 隃 意下矣爻十八下錯有 是 相 也 粽 來六卦之者指。也 ifij 需 于卦不謂交而於來 叉 可 成 **儿于皆來內故可也相關虞氏** 健 言此无氏而日綜六建之翻日 是 也 見不之得綜則十拂者後以 利 變端符說中如以四綜不儒某 坎 見 者其合妙也訟錯卦者知信卦來 也 大 剛 他似在說與並惟如交而自 從卦深自者需列克織王從某 訟 來 尙 中 然乃相其坤帛序焉卦 而 氏之易推日綜餘坎之卦小來 得 正 離綜以授者 中 也 者 聖詔自來十頃 人卦遯得八大低十說說來 來 利 剛 變所來中卦過一 涉

盆 得不償所失此豈君子所樂成者哉尙中正者九 冒險與訟必陷其身與以剛躁乘險而陷入深淵 中正之大人在上訟者利見之以辨是非也入聞 外 前 本乎天旣降而下則違行而與天分絕矣世之訟 天與水違行訟君子以作事謀始 異故以不利涉致戒也 則凶故曰訟不可成以理言之訟者揚人之惡 來 有惕中不過之義是以吉也訟非善事終遂其 **德煩上之聽增俗之偷兩廢其業深結其仇** 而得中故有学陷于陰故室 / 周易集義卷 然雖不得 悪水恕 損 於

初六不 始謹愼 廣矣若事之不當與人之 競之本皆貴知幾于早也 胡 興于訟之日而與于作事之始凡作事必預謀 肯始暱而 不成 氏 此則 日 居 初 周密以絕訟端則訟无由生矣夫謀始之 訟也此小有言與需不同需乃人不能 不日不 不得已 終疏始合而終離者也君子觀象知 健訟者也當訟之 **永設而日不** 而小有言也愚挨初雖險 可交弭瑕釁之 初訟端尚 **汞所事事之初猶** 可解雖) 剪杜 館 而 義 訟

梁日不汞所事訟不可長也雖小有言其辯明也 九二不克訟歸而逋其邑人三百戸无胔 如此 意其辯易明也初柔下而上有陽剛之正應故 其象 以終吉也 策雖不得巳而小有言志在辨其是非而无爭勝之 能无事尙能不承所事小有爭辯之言不至終訟是 程子日九二 敵訟者也五以中正處君位其可敵乎是為訟而義 不能謀始以絕訟端惟有止訟于初不竟其事為 /周易集義卷 |自外來以剛處險為訟之主乃與五為 **善**求恕來

象曰不克訟歸逋竄也自下訟上患至掇也 **逋則近巳者皆无連坐之患故曰邑人三百戸无眚** 九二為下卦之主主苟好訟則邑人皆被其害矣 愚按歸而逋即取剛自外來之象言退處于下以 匿也邑人三百戸指下卦三爻而言災自外至日眚 見保全之眾也若務求勝而不知退其貽害可勝 一以剛居柔處中雖險而與訟猶知不可勝 克也俞氏曰九二以剛居柔故不克訟逋逃也旣 凡其邑人皆可免意外牵連之 一祸言三百戸无 而逃 遁

六三食舊德貞厲終吉或從王事无成 中爻動而成坎初六六三皆舊爻也日貞曰或從 无成謂從上而成不在已也項氏曰舊德坤也坤之 程子曰三雖居剛而應上然質本陰柔處險而介一 事皆六三舊辭故聖人引之以實其義所以發凡起 柔從剛下從上三不為訟而從上 固自守厲終吉謂雖處危地能知危懼終必獲吉 剛之閒危懼非為訟者食舊德謂處其素分貞謂 掇自取也知義不克歸而逋鼠猶可免禍若不知自 反則禍患之至如掇拾而取之矣 周易集義卷 一九所為或從王 蓋求恕虧

所訟 先世之德澤所遺六三居下之上而上有正應故有 辯之事爾愚按古之仕者世祿凡士之有田祿者 食舊德之象然處險而介一剛之閒雖守正而不 **成功以存從上之體初以訟為所事三之王事亦爭** 例使人知三百八十四爻皆乾坤之舊也六三為 可任其勞而不 无訟理或不幸而與爭王事則明其事理而讓其 厲夫家富而食厚 一兢兢惕厲不與人爭終可獲吉若 上終訟之人不可與辯三貞守舊德含章不 Albert 1 Alle 功則亦 從王 事則

象日食舊德從上 朱 項氏 四不克訟復即命渝安貞吉 有 健體 理渝變 訟象以其居柔叉健 争競之心亦訟也 无與為敵 日從上吉謂從上九也 即就也命正理也渝變也九四剛而不中 用易集義卷 其心安處於正之象程子曰四以陽 於避患之道也蓋不必告許之風為訟 吉也 本為 「訟者初」 而不嶮故义為不克而復就 而 正應而順從非與訟 剛 故

九五訟元吉 絫 例也 失也此亦以渝字發逐爻自變為四千九十六爻之 既安且正長无好訟之失矣故曰復即命渝安貞 安貞為安貞則吉矣 不失其正 復即命渝安貞不失也 所以好訟若義不克訟而不訟反就正理變其不 能止之義命為正理失正 剛健而不中正則躁動故不安處非中 理也項氏日九四變為六四則以柔居柔 理為方命故以即命為 正故

象曰訟元吉以中正也 九或錫之鞶帶終朝三號之 以元吉元吉大吉而盡善也趙氏日大人在上平諸 程子日以中正居尊位拾訟者也治訟得其中正所 朱子曰中則聽不偏正則斷合理愚按訟元吉者謂 侯萬民之訟至于遜畔遜路而息爭吉孰大焉 也 必也使无訟乎象所謂利見太人即此中正之大人 訟者見之則元吉非徒以聽訟為能推其中正之道 朱子日鞶帶命服之飾褫奪也程子曰九以陽居上 周易集義卷 **毫求恕**齋

剛健之 奪也 與人仇爭所獲其能安保之乎故終 皆健訟之尤而受服者也然雄猜之主雖一 **賤惡祝又禍患隨至乎愚按如漢之上變唐之告密** 躬極于訟設或使之善訟能勝至受命服之賞是亦 子日窮極訟事設使受服命之龍亦不足敬而 者人亦害之甫以健訟受賞旋以被訟見褫理所 耳目而賞之心亦薄其為人必无敬禮之意且害)極又處訟之終極其訟者也人之肆其剛强 受服亦不足敬也 朝而三見褫 時欲藉 可

師貞丈人吉无咎 坤坎下 聖 眾之象九二 農伏至險于大順處不測于至靜之中又卦惟九二 朱子曰師兵眾也坎險坤順坎水坤地古者寓兵干 稱用師之道 為人君命將出師之象故卦名日師丈 陽居 勢所必至即以漢唐之事驗之有 垂戒非空言也 下卦之中為將之象上下五陰順而從之為 /周易集義卷 利于得正而任老成之人 以剛居下而用事六五以柔居上 乃得吉而无 **圣求恕齊** 人長老 而

猷之元老才德足以服人以之臨戎戰則必勝故 也王者順天致討得征之正又命將得人而免乎 又為貪功啟禍免此二者庶幾无咎聖人貴生 危然後无咎不然師之興咎之府也 正以義而動非黷武也丈人謂九一 爲正應然柔勝嫌於 固本靖民之心於斯見矣 愚按師之道以正 \\ 徼功償事故彖辭雖為吉占而有戒意焉蓋 1之用貞而不吉旣以 TANDER W (不斷或委任不專則小人月 |為本九伐之法道在正人之 \病國殘民吉而不 一剛中之德 五 難順正 與

猴矣 財害 以逞惟以義動者能用眾而不詭于正斯三王所以 而以順動所謂義兵王者之 也程子日 氏日 眾也負正也能以眾正可以王矣剛中而應行 西怨民心從也如是故吉而无咎胡氏日毒· 〈毒害天下然而民心從者以其義動也古者 1人眾則桀傲貪殘者雜處不 《此毒天下而民從之吉又何咎矣 /周易集義卷 一以剛而得中道六五應之雖行險道 師也師旅之興不无 且兵强易騎

初六師出以律否臧凶 象日地中有水師君子以客民畜眾 并包養之以不擾使之咸遂其生各得其所也 之大足以容畜也君子用此道以撫眾民以靜畜 程子日初師之始也行師之道以號今節制為 謂嫉矣然其利近其禍遠其獲小其喪大 蘇氏日以律者正勝不以律者奇勝能以奇勝 藏於塾農藏於畝工賈藏於市肆智愚頑廉兼容 氏日水由地中行各歸其壑而无氾濫之虞惟 不然雖臧亦凶善謂克勝凶謂殃民害義

象日師出以律失律凶也 先乎 待敵之可勝惟以律也干古行師之道孰不以 氏日初六才柔故有否臧之戒然以律不言吉否臧 風按初為出師之始以律則嚴而有制失律則輕 程子日師出當以律失律則凶雖幸而勝亦凶道也 則言凶者律令謹嚴出師之常其勝殞猶未可知也 无禮勝敗之機將於是判可不慎乎先爲不可勝以 **政不言吉出而失律凶立見矣** |在師中吉无咎王三錫命 周易集義卷一 **卒求恕**瘡

故王錫龍命至于三也胡氏日在師中吉无咎即 程子曰九二 統 **所敢專惟閩外之事則專制之二剛而得中得制勝** 辭意也中則无過不及所以為貞在師而中所以 和並至 道故吉用兵危事雖吉免咎而已 乃師之主專制其事者也居下而專制其事唯 **羣陰處乎險中將在軍之象也人臣之道** 則可在師專制而得中道故吉而无咎凡師之 人故師六爻唯九二 |則吉旣處之盡其善則能成功而安天 陽為眾陰所歸五居君位是其正應 |吉无咎愚按九二以 於事 陽

六三師或與尸凶 程 倚信必專其事乃有成功若或更使眾人 氏日不日威而日懷見王者用師之本心 不中正師旅之事任當專一 而有成功之吉于氏日錫 師中吉承 **一天謂王也** 東尸眾主也以三居下之上故發此 /周易集義卷 居下卦之上 覆敗必矣 天寵也王三 人臣非君龍任之 居位當任者也不 一錫命懷萬邦也 命非私也安萬邦而 旣以刚中之 之安得專 権其才陰 征伐

泰日師或輿尸大无功也泰日師或輿尸大无功也秦日師或輿尸大无功也秦日師或輿尸大无功也秦日師或輿尸大无功也 象日左次无咎未失常也

||六五田有禽利執言无咎長子帥師弟子與尸貞 程 所 其咎大矣執言奉 **取則獵取之如** 辭以誅之如若禽獸入於田中侵害稼穑於義宜獵 道當以長子帥 與必以蠻夷猾夏寇賊姦究為民生之害然後 亦凶也自古任將不專而致敗者如晉邲之戰 之潰 日五君位與師之主也故言 是 **周易集義卷** 師 之道 也胡氏日長 此 解也明其罪而討之 因 師若以弟子眾主之 而動乃得无咎若輕動以毒天 一時施宜 故左次未爲失也 興師任將之道 **所謂丈人也自眾** 也任將授 則所為雖 全球恕蕭 凶 唐 師 師 下

上六大君有 象 尊之 也 朱 氏日以 以金帛 家之象然 子曰師之 則日丈 子帥師以中行也弟子輿尸使不當 中行是九二居中也使不當謂六三失位 可也愚 命開國承家小人勿用 才勝於德器小易盈者皆是也使之開國 終論 人自 小 故有勿用之戒此其義所包者廣 按當論功行賞之時賞恆易僭 則 功行賞之時也 稱之 雖有功亦不可使之得有土 則日長子 坤 爲 土故有開 也 所

易邀濫賞也即无 策勳行賞之 下並非所以 大君有命以正功也小人勿用必 亂中興之 將於是歐雖聰明之主鮮不悅而墮其術中自 勿用者謂當以厚賞酬其勞而不可假 敗者多矣可不戒哉 正功言賞必當功不可差失也用小人 /周易集義卷 全小人 一時正志得氣騎之日不特有功之 一勤勞數 功之小人 也然有功不賞 民特勳勞而 **干載僅得成其功旋以用** 、亦競貢諛徼思亂政 亂 制邦也 何以服其心 則害

北 吉原筮元永貞无咎不 三次坤 及民去 也 物情之險阻皆生於睽離比則吉之 |氏日相合无閒之 也 從者乃乾元之德奠於正位而 履天位羣陰之 能无咎者也乃此卦羣陰統於 君子之交以道合而无所暱故日周而)所依 謂比此卦 附无有雜閒之者故為 **监方來後夫凶** 摹陰類聚而 陽其本 道也原本 也 此

愚按原筮元永貞蓋專指六一而言一與五為正 懷疑貳於旣審之後臣之從君弟之從師皆此道 而受後至之誅是以凶蓋擇主者審之於初而不 原當筮時而定其比之正是以无咎不寍指初一 **說遠來皆相託以** 主則雖自二以 夫則指上六也 **周易集義卷** 因 下應也後 也下順從也原筮元 歸 所惟 其正應爲不寍之方而 六獨處 无咎矣九五為 於外志欲相元 也 金球恕齊 可

日地上 猜 歸 擇 阻 之 為 न 居 VI 尊 者故 也 致 凶 水 宜應 相五此剛 比躬 相 之道也而獨有後至 先 剛中 敢 親 而 地上之 此 无咎 也 得 位有 所 建 閒 以 天 萬 下不安而求 異 北 順 図 गि PJ 親 親 民也 莫 至之夫不早抉 源 從 北之 如 諸 同 則 親 水 也 侯 撫 道 畎 在 本所 徻 地 有

初六有学比 而无閒必篤其忠貞使誠信充中而益:此易見字信故无咎顧相去旣遠始雖! 初 六居 於所 見字信故无咎顧相去旣遠始雖易≄居下而遠於五宜有咎也然當比之始乎比之无咎有字盈缶終來有它吉 連 一隗囂輩則皆後夫矣 中則上鑒其誠而 **望者**故日終來有它吉如實融 /周易集義卷 帥率之以此於天子 澗 相比以 地 於 深 相結 沈 也 氏日以二 納將 一多学未必 外若物 之於光武 |體言則 郎戦

家 日比之 當比即致誠以比之自相合無閒其吉之來有非直指初六為三見比之道貴定乎先審諸義而知 意所及者若 程 初 一比之自丙貞吉 與 歸 順之 郭氏日比以 初六有它吉也 所以吉凶相反也 下而比五者故自內至外率天下以歸 象地之 一與五為 初无誠信迫於勢而後從其誰信之 最 九五為主而六二 正 應皆 下者有先得水潤之象 得 中正以 正應為主 中正之道 於 相 初 內 此

也惟三 日比之自丙不自失也 筮 得其正而吉觀三之 愚按比以九五 已亦不自失其正也 比之匪人 內而獨得正應於外不失比之至道卦解所謂 主獨與五為正應自內卦合羣陰而知所當比 五固為比得其人初四之應猶非必不可比 /周易集義卷 上為 比之无首者豈可比乎故為 比匪則知二之貞吉矣 為主而六二 |柔順中正為丙 桂

以 四外比之貞吉 可傷乎 與 歽 比匪人牵連受累其害工 柔居柔應初而承五不 四之閒不至終於比匪所謂不遛方來蓋謂此 匪 比於五! 類之別以比 卦叉舍丙之應而上比故曰外比之外丙雖異一 人也不言凶 匪 人不亦傷乎 |應五在丙卦 於剛中之 者雖有比上之心而以 丙比於 改日比之自内四承五在 主乃得正而吉也二與四 類有追悔无及者不 初 M 外比於五舍 順體 居 也

象日外比于賢以從上也 九五顯比王用三驅失前禽邑人不誠吉 得其所比則 九五居尊得位以統羣陰光明桐達無有私暱比道 人能擇所比也安勉不同然皆正而吉矣 之車鉄其 目然來比來者受之去者舍之亦如田獵三驅縱煎 有剛中之德叉居君位四比之是比賢且從上 至顯者也三驅者天子之田不合圍三面設驅逆 一與五為正應天為合其比也六四舍初而從 // 周易集義卷 面不務盡獲也王者顯明其比道天下 也故皆言貞吉 至求恕產 也

誠上使中也 象日顯比之吉位正中也舍逆取順失前禽也邑人 言邑人則指下三爻言之五與二 比以不偏為善故貴正中舍逆謂舍上 有定志自无驚擾乘釁之憂故不勞警誡而吉也於 則遠自至也 此可見王者重內輕外不勤遠略而務安其民邇安 禽而聽其失要何損於大順之治哉前禽指上 乙德任之以內比故羣陰知所託雖 為逆也取順謂取下四陰陰以承陽為順也 11 11111111 11 一應因其柔順得中 隅未靖而 陰陰以 大而

其凶也程子曰首始也凡比之道其始善則終善矣 拾根本之地故邑人安帖自不以外患為虞此漢高 相比有首猶或終達始失其道終復何保顯比之 有其始而无其終者或有矣未有无其始而有其終 香也故比之无始至終則凶也 [比之无首无所終也 、比之无首凶 屬中光武之河內也 氏日无首後也處卦之 者五雖周徧撫下而獨應柔順得中之六一 周易集義卷)終是後夫也為世所棄宜 使內

本雄舍之不治終必自潰故舜舍三苗三苗終竄凡不度德相時而好自異者類如此
--

...